

Deo optimo maximo uni & trino, Virgini Deiparæ, & sancto Luca orthodoxorum Medicorum Patrono.

## Q U Æ S T I O M E D I C A .

Quodlibetariis disputationibus, manè discutienda in Scholis Medicorum, die Jovis decimâ-quintâ Januarii.

M. CAROLO BOMPART, Doctore Medico, Præfide.

*An, ut aquarum iberhalium, sic et sanguinis vigor à sulphure?*

**M**UNDUM, ingens quoddam animal dixere quidam à veteribus, propter eam quam habent inter se *separat* & *mixturam* similitudinem. Uterque machina hydraulopneumatica. Per artus infusa mens totam agitat molem. Terra ponderibus suis librata, dum fiat glacies iners, emortua veluti jacet, foliis viduantur ornî. Caloris adventu natura tota repuerascit. Intus calore perfunditur, hunc solum in phlegmate sulphur perennat. Corpus humanum suâ mover præsentia, quæ infundendo creatur, sibi soli sufficiens, sibi soli vivens substantia spiritalis: hæc frigidi impatiens hospitii, calore gaudet, ab ipsis vitæ incunabulis partibus infuso. Flammæ vitali sustentandæ humido radicali nullus aprior fomes: Sulphureum quis iniciatur, si vel prima arcti chymica limina salutaverit. Audiat substantia aërea, pinguis, & oleosa, apud præcos medicinæ antistites, nihil moramur? Ludit quippe interdum verbis novorum systematum auceps, cui divinus senex jampridem consuluit, utalium domiret: A parentibus tradux sulphureus liquor discedit perpetuo, triplici sanguinis motu, in quo vitalis fundus, jugiter resarciendus: peioris tamen est conditionis deperditi loco suffectus, hinc miseris mortalibus optima quævis dies fugit prima, subitque tristis senectus, licet perpauci tempora maturæ longa senectæ visuri, quæ infirmos baculo sustinet artus. Cunctis tandem spiritus sulphureo pabulo destitutus, frigida currit per ossa, & duræ rapit mortis inclementia.

**S**PÆCUS varios, innumeros pene ductus, ex quibus constat universum corpus, natura suo excavat genio. Asuminis ad ima sit comæatus humorum, an sit æquum vas & partibus circumducti sanguinis libramen, an iniquum, non parvi interest, in libera namque purpurei laticis motione, sita est potissimum functionum integritas, hæc juvat sulphur, cujus lacubulis excitatus spiritus, nec mediocres excitat virtutes, spes juber esse ratas, mortales trudit in prælia, reddit audaces omnia perpeti. Efficit & sulphur crines dignos Apolline, & eburnea colla, decuque oris, & ruborem in niveo candore mistum. Pars quæque corporis vires modico floridi sanguinis rivo, sub incremento gemit, etenim inopem facit copia, in propriis laribus flamma vitalis suffocatur, haud secus ac lampas affuso ubertim oleo, arefcit decremento, adducitque cutem macies, & in aëra succus corporis omnis abit: vox tantum atque ossa supersunt. Notus feritate sal acidus, ni sulphurum amicabile connubio miscet, balsamica sanguinis natura, (absit verbo injuria,) in acorem sit degener morborum illadem paritura, hinc fiunt mortales, præmatura nimis victima non commiserantis orci.

**M**ISER homo, morbi sanitatiq; reciprocas vices experitur, nec tamen malorum in nobis & bonorum æqua decessio est, facile ab optimo statu & quasi sponte labimur, à vitiōso agrè & invitâ velut naturâ resurgimus. Felix homo cui tot suppetunt divum munera. Larga est, ne dicam prodigia naturæ in remediis procreatio fecunditas, cum plantas in terræ superficie ubique parturit, nusquam tamen magis admiranda, quam ubi medicatas fundendo lymphas, ægris & convalescentibus, facile parabilem medicinam propinat. Quot è metallis eorumque seminariis surgunt homini solamina? Torve thesauri, ne sepulsi jacerent in terræ penetralibus, lymphæ per eorum venas devolutæ, perque longum telluris spatium transcolatæ, efficaci ditantur spiritu, molliores ipsorum particulas lambunt, duriores radunt, varisque mineralium quæ præterflunt spoliis onulæ, quâ data porta, hominis in præsidium salientes, foras erumpunt.

Les Eaux de Vic le Conte, de S. Myon, de Chardion, de Jaleyra, de S. Floret, de Vic en Carladou, Des Martres au territoire de Curran.

**M**IRA est aquarum diversarum Regni Galliæ omnis generis opulencia, sed stupenda magis tum fluviorum, & aliarum dulcium, & medicarum aquarum in Arverniz Provincia enumeratio. Hæc varia à locis scaturiginum accipere nomina. Prope Claromontem fons prostrat lapidescens, ad cujus præsentiam rigent cuncta, velut ad Medusæ saxificos vultus non longè hinc fons scaturit bituminosus ad viciniam Montis-ferrandi, mirum quantum, unius diei spatio, sulphuris copiam suppedit. Vicecomitenses vitriolo fixæ nitro & alumine, Vichensium viribus haud impares, immo validiores, tantâ quondam hominum frequentia percelebres fuere, quantâ nunc incuriâ negliguntur. Ad illas ut principis sic viribus accedunt Medulphianæ. Nec minoris notæ sunt Castellodunenses, Jaleyraenses, Sanfloranzæ, Vicecarladesæ, Martyroverenses &c. De iis præsertim hic orsus loqui, quas in curiâ negliguntur. Ad illas ut principis sic viribus accedunt Medulphianæ. Haud infimæ sedent, quæ urbium principem alluunt Claromontenses nuncupatæ: affuso gallarum decocto rubeunt, & in atramenti colorem denigrantur: Martis divites opum, harum particulas attrahens magnes, satis superque comprobatur bitumen ignis subterranei pabulum esse, fidem faciunt earundem sapor odorve. Largius epotæ colicos immanes cruciatus velut incantamento sedant. Apud hydropotas quartanæ febres exulant, ceteris præsidiorum generibus rebelles. Peritor quovis artifice natura, (*opus Dei*) sapit ultra pharmacopolarum pyxides. Evanescent importunæ vertigines. Suus sibi florens redditur paelis faciei color. Qui flavo prius sordebant, nunc vegeto colore suffunduntur.

Les Bains du Mont-d'Or en Auvergne.

**Q**UA parte sol declivis, Arvernorum plaga aureis montibus obumbratur, nec illud unico fed multiplici titulo nomen obtinent. Tantâ ditantur soli pinguedine, ut vegetantia ejuscunque generis (*Ægrotas opes*), amplissimâ segete parturiant. Aureas merito dixeris, quæ ibi scaturiunt, thermæ aquas; auream nempe sanitatem firmant labantem, collapsam restitunt. Chymicæ analyti subditæ, subacidam exhibent salern, ferri quidpiam & sulphuris redolentem. Multifariam unda hæc corpus nostrum afficit, hoc juvat copioso potu proli, immerse subit, quos laxat cutis porulos, nec non ex alto fervens in morbosos artus profluit. Haud perpetua est aquæ auræ montis assumendæ tempestivitas: hyeme minus commodus illius usus, cum verò adduxere sitim tempora, maximè salutaris. Particulæ quibus imprægnatur sulphureæ, crassos, frigidos, & viscidos humores attenuant & coquant: crassior bilis quæ sæpius medicamentorum purgantium vires eluserat, unâ cum ferossâ illuvie per urinas & sudores abducitur, conceptum ardorem prorsus deponunt viscera. Spiritus nervorum plexus liberis excurrunt, pars quæque sui juris facta gloriatur sibi restitutum vitæ jubat. Si friger uterus merito dixeris adhuc inutile pondus, quam misera fors conjugis? Vivet illa sine nomine, quia sine sobole, ni citò quærat solatium. Aureis thermalibus aquis, (ut ultimâ medicinæ anchorâ) non amplius languet attrita vis fermenti, non torpet & arefcit arum muliebre, nec amplius desunt his in partibus caloris blanditiæ, cujus inopiâ, nulli fas sponæ sperare prolis ornamentum. Brevi tibi sponsa jactabit prægnantis uteri pompam, tibi speranda nuptiarum mellis & socialis pignus amoris. Hercules sane dixeris? Vertigines, epilepsie, membrorum torpores, tremorese, paralyces, arthritis citò citius profligantur. Picuita è metropoli, aut aliunde in articulos depluræ, & diros cruciatus inducere solita, aut furens miscet, aut tenuior facta alio diripitur. Quid plura? Cæci vident, surdi audiunt, muti loquuntur, claudi ambulant. Tam solennes, tamque egregias dores sulphuribus acceptas referet sincerus naturæ calculator; equidem sanguinis balsamicam indolem restaurando, genuinis vitæ characteribus corpus beant.

*Ergo ut aquarum iberhalium, sic et sanguinis vigor à sulphure.*

DOMINI DOCTORES DISPUTATURI.

M. Jacobus Souhait.  
M. Carolus Bompart, Præfex.  
M. Claudius Dufresne.

M. Daniel Tauray.  
M. Antonius le Clerc.  
M. Petrus Jacquemier.

M. Raymondus Finot.  
M. Mattheus Thuillier.  
M. Carolus Marteau.



Proponebat Parisiis CLAUDIUS TRICHARD, Pæicus, Ebroicensis, Baccalaureus Medicus. A. R. S. H. 1699.